

## Saya suka ... (Tadika 2 Buku Besar 3 'Hobi')

### Gambaran Keseluruhan:

Memperkenalkan buku besar 'Hobi' kepada kanak-kanak menerusi sesi Berinteraksi dan Bercerita.

### Matlamat Pembelajaran:

1. mempunyai minat untuk mempelajari Bahasa Melayu
2. membina kemahiran asas bahasa dan literasi

### Objektif Pengajaran:

Kanak-kanak akan berpeluang untuk:

1. menyertai kegiatan Bahasa Melayu secara aktif
2. berkongsi pengalaman peribadi semasa berinteraksi tentang Buku Besar 'Hobi'

#### \*Aktiviti Induksi

Guru:

- mengajak kanak-kanak duduk dalam bulatan
- menunjukkan kanak-kanak kulit siput dan mengajak kanak-kanak bercerita tentang pengalaman mereka melihat kulit siput



### #1 Berinteraksi dengan kanak-kanak tentang buku yang dipilih

- Guru menunjukkan Buku Besar 'Hobi' kepada kanak-kanak.
- Guru mengenalkan buku, tajuk buku, nama penulis dan pelukis.
- Guru mengajak kanak-kanak berbual tentang ilustrasi di kulit buku dan ilustrasi di dalam Buku Besar 'Hobi'.
- Guru menggunakan soalan-soalan dasar Strategi Berinteraksi dan Bercerita mengikut kesesuaian ilustrasi pada setiap halaman.

- Guru memberikan penekanan atau mengulang sebut perkataan-perkataan yang akan dipelajari oleh kanak-kanak. Contohnya: cari, lukis, jam, joran, jus dan lain-lain lagi.
- Guru tetap menerima respons kanak-kanak walaupun respons tidak selari dengan jalan cerita.



*Guru mengajak kanak-kanak berbincang tentang pengalaman mereka melihat kulit siput.*

## **#2 Bercerita dengan menggunakan teknik penceritaan**

- Guru membaca tajuk buku serta nama penulis dan pelukis sekali lagi.
- Guru menceritakan ilustrasi di dalam Buku Besar ‘Hobi’ kepada kanak-kanak dengan menggunakan teknik drama, intonasi, alat bercerita dan kesan bunyi yang sesuai.



*Guru bercerita dengan menggunakan teknik penceritaan.*

\* Guru tidak perlu mengaitkan jalan cerita dalam Buku Besar yang dipilih.



### #3 Bercerita berdasarkan Buku Besar yang dipilih

- Guru mula bercerita berdasarkan Buku Besar ‘Hobi’.
- Guru boleh mengulang sesi bercerita pada hari-hari selanjutnya.



Guru bercerita berdasarkan buku besar yang dipilih.